



Bosna i Hercegovina  
Federacija Bosne i Hercegovine  
Tuzlanski kanton  
**OPĆINA GRADAČAC**

H.K. Gradašćevića 54, 76 250 Gradačac, telefon 035-369-770 i 369-771, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

**OPĆINSKO VIJEĆE**

**„PRIJEDLOG“**

Na osnovu člana 24. Statuta Općine Gradačac („Službeni glasnik Općine Gradačac“, br. 4/08, 5/12 i 1/17), Općinsko vijeće Gradačac, po Inicijativi Kolegija Općinskog vijeća, na ..... radnoj sjednici od ..... 2017. godine, d o n o s i

## **O D L U K A**

### **O utvrđivanju uslova i kriterija za imenovanje vanjskih članova radnih tijela Općinskog vijeća**

#### **I**

Ovom Odlukom utvrđuju se uslovi i kriteriji za imenovanje vanjskih članova radnih tijela Općinskog vijeća Gradačac (u daljem tekstu: vanjski članovi).

#### **II**

Za vanjskog člana može biti imenovan kandidat koji ispunjava slijedeće opće uslove:

- Da je državljanin BiH;
- Da je stariji od 18 godina;
- Da ima prebivalište na području općine Gradačac;
- Da nije otpušten iz državne službe kao rezultat disciplinske mjere na bilo kojem nivou vlasti u BiH u razdoblju od 3 godine prije dana objavljivanja javnog poziva;
- Da nije pod optužbom Međunarodnog suda za ratne zločine (član IX.1. Ustava BiH),
- Da nije osuđivan za kazneno djelo.

#### **III**

Posebni uslovi koje kandidati trebaju ispunjavati su:

- Visoka ili viša stručna sprema (po mogućnosti odgovarajućeg zanimanja zavisno u koje se radno tijelo kandiduje).

Izuzetno od stava 1. ovog člana za vanjskog člana može biti imenovana osoba koja ima završenu srednju stručnu sprema – IV stepena s višegodišnjim iskustvom i dokazanim rezultatima u radu radnih tijela Općinskog vijeća.

#### **IV**

Prilikom imenovanja vodit će se računa da sastav tijela osigurava ravnopravnu zastupljenost spolova.

#### **V**

Javni poziv za izbor vanjskih članova objavljuje Komisija za izbor i imenovanje Općinskog vijeća. Javni poziv se objavljuje putem lokalne Radio stanice, na oglasnoj tabli općine i web stranici Općine Gradačac.

#### **VI**

Po dostavljenim prijavama, Komisija za izbor i imenovanja sačinjava rang listu kandidata koji ispunjavaju uslove za izbor vanjskih članova radnih tijela.

Rang lista iz prethodnog stava se utvrđuje bodovanjem kandidata prema slijedećoj skali:

- Stručna sprema
  - SSS – 1 bod
  - VŠS – 2 boda
  - VSS – 3 boda
- Dosadašnje iskustvo u radu nekog od radnih tijela Općinskog vijeća – 2 boda
- Dojam na intervjuu od 1-5 bodova.

Komisija za izbor i imenovanje podnosi Općinskom vijeću prijedloge za članove radnih tijela utvrđene liste kandidata.

## **VII**

Ukoliko vanjski član radnog tijela bude razriješen dužnosti, imenovanje novog člana predlaže se s utvrđene liste kandidata.

## **VIII**

Ova Odluka stupa na snagu danom objave u Službenom glasniku Općine Gradačac.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA GRADAČAC**  
**Općinsko vijeće**

Broj: 01-05-...../17  
Datum: ..... 2017. godine  
G r a d a č a c

**PREDSJEDAVAJUĆI**  
**OPĆINSKOG VIJEĆA**

*Šakić Enir, prof.*

## Obrazloženje

Općina Gradačac je jedna od jedinica lokalne samouprave u Bosni Hercegovini koja je uključena u projekat općinskog okolišnog i ekonomskog razvoja (MEG). U nizu aktivnosti provedenih u okviru realizacije tog projekta u općini Gradačac organizovane su i četiri radionice namijenjene Općinskim vijećnicima i predstavnicima izvršne vlasti jedinstvenog općinskog organa uprave.

Koordinatori projekta su naveli da su u pripremi realizacije MEG projekta proveli niz evaluacija, anketa i procjena stanja u partnerskim jedinicama lokalne samouprave a koje se, između ostalog, odnose i na rad općinskih vijeća. Metoda analize Sistema upravljanja rezultatima (SUR) pokazala je određene nedostatke u partnerskim jedinicama lokalne samouprave koje bi trebalo unaprijediti.

Na 4. radionici MEG projekta za Općinu Gradalac održanoj 03.11.2017. godine, prilikom sagledavanja indikatora ustanovljeno je da ne postoje interni akti koji definišu utvrđivanje uslova i kriterija za imenovanje vanjskih članova radnih tijela Općinskog vijeća. Nedostatak toga rezultirao je niskim stepenom na bodovnoj skali u pogledu ovih propisa te je, akcionim planom realizacije MEG projekta, inicirano donošenje Odluke Općinskog vijeća o utvrđivanju uslova i kriterija za imenovanje vanjskih članova radnih tijela Općinskog vijeća.

Tim povodom Kolegij Općinskog vijeća je, na inicijativu sekretara Jedinstvenog organa uprave, zaključio da se ova Odluka uvrsti u dnevni red 9. radne sjednice Općinskog vijeća

Kolegij Općinskog vijeća